



## **Universitätsbibliothek Paderborn**

### **Instructio practica ...**

De Sacerdotii Origine & Præstantia - Variis item Industriis, & Praxibus,  
quibus Sacerdotes boni ad Dei gloriam suámque & Proximi salutem  
promovendam sunt usi ; Malorvm Qvoqve Sacerdotvm infelici interitu,  
radicibus, & remediis Cui etiam Compendium Ritualis, ea, quæ pro  
commodiori Sacramentorum & ...

**Lohner, Tobias**

**Dilingæ, 1681**

Membrum 1. De iis, quæ præmittenda sunt ordinationi.

[urn:nbn:de:hbz:466:1-48600](#)

triennalis familiaritatis seu commensalitatis cum Episcopo ordinante. 4. Ut legitimè natus sit. 5. Ut non sit Hæreticus, aut etiam irregularis. 6. Ut vigesimum quintum annum attigerit. 7. Ut de morum integritate ac probitate legitimum testimonium habeat. 8. Ut sufficientem doctrinam habeat, id est, sciat omnia, quæ Ordini suo ritè exercendo convenient, qualia sunt Orationes divini recitatio, Missæ celebratio, Sacramentorum admissio, Verbi divini prædicatio, & similia. 9. Ut convenienti Titulo Mensæ, ut vocant, sit instructus, aut Beneficium Ecclesiasticum aut Patrimonium possideat, quod sibi ad victimum honestum sufficiat; ne cum Ordinis dedecore mendicare, aut sordidum aliquem quæstum exercere cogatur.

**§. III.**

**Quibus ritibus Sacerdotium & reliqui  
Ordines conferantur.**

Cum Cæmoniæ & ritus in conferendis Ordinibus adhiberi soliti in Pontificali Romano potissimum describantur, placet eosdem iis ipsis, quibus ibi præscribuntur, verbis hic enarrare, ita tamen, ut, ubi obscurior aliquis sensus explanationem exigere; aut aliud aliquid notandum occurrere videbitur, distincto charactere breviter id subjiciatur.

**M E M B R U M I.**

**DE IIS, QUÆ PRÆMITTENDA  
SVNT ORDINATIONI.**

I. Cum Ordinationes faciendæ a. sunt, per Sa-  
cristam, seu alium ad quem spectat, præ-  
parantur omnia, quæ necessaria sunt pro Missa Pon-  
tificiali. Et demum, cum tempus Ordinationis in-  
skat, horâ competenti, Pontifex Cappâ magnâ in-  
dutus, Capellano illam post eum deferente, venit  
ad Ecclesiam, ubi Ordinationes fieri debent, & ac-  
cedens ante Altare genuflexus ibi aliquamdiu orat.

A 4

Deinde

g De *Essentia Sacerdotii.*

Deinde vadit ad Sedem , ubi Paramenta capete consuevit ; vel , si non sit in Ecclesia sua , ad Faldistorium b. ad cornu Epistolæ sibi paratum , ubi sedens accipit omnia Paramenta Pontificalia coloris tempori convenientis , & mitram simplicem a dicens Psalmum , *Quam dilecta Es.*

A. Nempe tempore in Jure Canonico præscripto c.3. de Temp. Ordin. quod est respectu primæ Tonsuræ quicunque dies ; respectu Minorum Ordinum quicunque dies Festivus , Dominica aut Sabbathum pro generali Ordinatione deputatum ; pro sacris verò Ordinibus Sabbathata quatuor Temporum , Passionis , & Paschatis ; licet ob causam rationabilem , v. g. ob multitudinem Ordinandorum , infirmitatem Ordinantis vel Ordinandi , non sit prohibitum , Ordinationem in diem Dominicam differre , vel continuare , si jejunium in Sabbatho eousque fuerit extensum , quia tunc Vespera Sabbathi , & Matutinum Dominicæ fictione Canonica pro una die reputantur , uti in cap. litteras de Temp. Ord. dicitur . Per privilegium tamen interdum conceditur à Ponifice , ut sacri Ordines etiam extra præscripta tempora diebus Dominicis vel Festivis conferantur , & recipiantur ; ubi licet graves Autiores nomine diei Festivi solum Festum Fori , quo Populus à laboribus cessat , intelligi velint ; alii tamen non minus probabiliter cum Barbosa p. 2. de Offic. Episc. alleg. 17. n. 7. etiam Festa chori , id est , dies quoscumque sub ritu dupli celebrari solitos comprehendendi docent . Porro cur in supradictis Sabbathis potius , quam alio tempore Ordinationes solemnies celebrentur , ratio communiter ab Authoribus assignatur , quod hæc tempora ob jejunium & Fideliūm preces ad majorem Ordinandis gratiam à DEO imprestandam aptiora videantur , quam ob causam etiam SS. Paulus & Barnabas ex præcepto Spiritus sancti ad prædicandum Gentibus missi prius jejunaverunt , quam manus ab Apostolis illis impostæ fuerunt . Quod autem in Sabbatho potius , quam alio die quatuor Temporum conferantur hi Ordines , congrua ratio esse potest , quod Sabbathum requiem , Deique cultum significet , requies verò à laboribus & negotiis secularibus , ac DEI cultus præcipue Clericis conveniat .

B. Faldi-

*De Essentia Sacerdotii.*

9

B. Faldistorium est sedes nonnihil elevatior, & Baldachino instructa ad Episcopum honorandum, ejusque eminentiam præ aliis Clericis demonstrandam erecta.

C. Id est, nullo speciali ornatu gemmarum, unionum, aut auri instructam, qualis præcipuis Solemnitatibus potius convenit.

II. Pontifex sic paratus, baculum Pastoralem in sinistra tenens, accedit ad gradus Altaris, ubi deposito baculo & mitra, factâ Altari reverentiâ cum profunda capitis inclinatione, facit cum Ministris Confessionem d. Interim cantatur à Choro *Introitum & Kyrie eleison.* Finita Confessione, Pontifex ascendit ad Altare, illud in medio osculatur, & textum Evangelii ad sinistram; incensat Altare more solito, resumit mitram, & revertitur ad sedem, seu ad Faldistorium, ad cornu Epistolæ, ubi depositâ mitrâ, & versa facie ad Altare, oblato sibi per Ministrum libro, ex eo legit *Introitum & Kyrie eleison*: quibus dictis sedet cum mitra, donec perficiatur à Choro ultimum *Kyrie eleison.* Quo finito, surgit Pontifex, & cum mitra ad Faldistorium ante medium Altaris sibi præparatum accedit, & in illo sedet, renibus Altari versis. Tum Archidiaconus e. vocat omnes Ordinandos f. dicens: *Accedant omnes, qui ordinandi sunt.*

D. Una cum iis, quæ antecedunt Confessionem, & sequuntur, sicut in principio Missæ notatur.

E. Vel alias, qui quoad hunc actum officio Archidiaconi fungi solet, uti plerumque fieri consuevit.

F. Per Ordinandos hoc loco intelliguntur non solum ii, qui septem Ordines accipiunt; sed etiam ii, qui primâ Tonsurâ (quæ communius inter Ordines nou numeratur) initiandi sunt, cum & his sâpe eodem actu prima Tonsura conferatur.

A 5

III. Qui-

III. Quibus ante Altare coram Pontifice genuflexis , & in modum coronæ dispositis , Archidionus publicè interrogat omnes , si sint aliqui , qui confirmati non sint g : quia non debent ad Ordinationem accedere , nisi priùs confirmantur h. Et si aliqui confirmandi erunt , tunc depositis Pontifex annulis & Chirothecis lavat manus , reassumit annulos , & confirmat i. prout suprà habetur ; vel si non erunt aliqui confirmandi , palam interdicit per unum ex suis k. sub his verbis;

*Reverendissimus in Christo Pater ac Dominus D. DEI  
G Apostolicæ Sedi gratia Episcopus N. sub excommunicationis pœna præcipit, & mandat omnibus & singulis proficiendis Ordinibus hic præsentibus , ne quis forsan eorum irregularis aut alias à Ture vel ab Homine excommunicatus , interdictus , suspensus , spurius . I. aut alias à jure prohibitus . m. sive ex aliena Diœcesi oriundus sine licentia sui Episcopi , aut non descriptus , examinatus , n. approbatus , & nominatus , ullo pacto audeat ad suscipiendos Ordines accedere. Et quod nullus ex Ordinatis discedat , nisi Missâ finita , & benedictione Pontificis acceptâ.*

G. Ni si priùs in Examine jam quæsiverit ; vel aliunde cognoverit omnes confirmatos esse.

H. Sic enim Concilium Tridentinum sess. 23. c. 4. requirit , non quod Confirmatio sit de necessitate Sacramenti Ordinis , sicut Baptismus , sed ob congruitatem ; & ideo Sacramentum Ordinis validè conferri potest illi , qui non est confirmatus , uti Barbosa in loc. cit. Concil. Trid. cum plurimis docet.

I. Etsi fortè Ordinandus sit alienus subditus , modò literas dimissorias afferat ; sic enim hoc ipso , quod ad ipsos Ordines ab Episcopo suscipiendos licentia sit concessa , etiam ad Confirmationis Sacramentum , sine quo licite Ordines non conferan-

feruntur, licentia concessa præsumitur, uti Ludov. Engel p. r.  
l. 1. tit. 1. §. 3. n. 22. cum Laym. c. 6. de Sacr. n. 2. docet.

K. Quod ordinariè Archidiaconus, aut is, qui officio illius  
fungitur, præstat.

L. Nisi per subsequens Matrimonium, aut Professionem  
Religiosam, aut dispensationem Pontificiam sit legitimatus;  
talis enim ratione originis censetur vilis, atque adeò indi-  
gous Sacris Ordinibus.

M. Quales sunt Uxorati, absolute rebaptizati, Adulti ab  
Hæreticis baptizati, Neophyti, publicè Pœnitentes &c.

N. Nisi aliunde de ejus scientia, aliisque qualitatibus  
constet; ob quam causam aliqui Religiosi vel Graduati non  
amplius examinantur.

MEMBRUM II.

DE CLERICO FACIENDO.

I. Clericus o. fieri potest etiam extra Missarum  
Solemnia, quocunque die, horâ, & loco. p.  
o. Clericus à Græco verbo *κληρον*, quod latinè sortem  
significat, dictus, quia, ut S. Hieronymus ad *Nepot.* ait, de  
sorte Domini sunt, vel quia Dominus sors, id est, pars Cleri-  
corum est: qui autem vel pars Domini est, vel Dominum par-  
tem habet, talem se exhibere debet, ut ipse possideat Domi-  
num, & ipse possideatur à Domino: qui Dominum possidet,  
& cum Propheta dicit: *Pars mea Dominus*: nihil extra Do-  
minum habere potest, cum ipsis enim partibus, puta auro, ar-  
gento, voluptatibus, honoribus &c. Dominus pars ejus fieri  
non dignatur; si ergo Altari serviens de Altaris oblatione  
sustentor, habens victimum & vestitum his contentus ero, & nu-  
dam Crucem nudus sequar.

P. Unde aliqui non improbabiliter colligunt, Primam  
Tonsuram (sic dictam, quia per istam abscissionem Capillo-  
rum cum sacra benedictione factam via ad reliquos ordines  
sternitur, verùsque Clericus efficitur) verum Ordinem non  
esse, eo quòd hi omnes ordinariè non nisi certo tempore &  
loco conferri possint.

II. Pro Clericis ordinandis, parentur forfices pro  
incidentis capillis, & bacile pro illis imponendis.

Ec